

Uunga siunnersuut: Kalaallit Nunaannut suliffissarsiortut killilersimaarnissaat pillugu Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2017-imeersoq

(Inuussutissarsiornermut, Suliffeqarnermut, Niuernermit Nukissiuuteqarnermullu Naalakkersuisoq)

Akissuteqaat

(Inuussutissarsiornermut, Suliffeqarnermut, Niuernermit Nukissiuuteqarnermullu Naalakkersuisoq)

Aappassaaneerera

Matumuuna Naalakkersuisut sinnerlugit Inuussutissarsiornermut Aatsitassaqaarnermullu Ataatsimiititaliap sukumiisumik isumaliutissiissusiorsimaneranik qutsavigiumavara.

Ataatsimiititaliami amerlanerussuteqarluartut siunnersuutip akuerineqarnissaa inassutigimmassuk Naalakkersuisut nuannaarutigaa, taamaalilluni aalajangiisoqannginnera akuersissutip tunniunneqarsimaneratut isigineqartarunnaassalluni.

Allanngortitsineq atorfiit suli amerlanerusut kalaallinik sulisussanik inuttalerneqartalernerannut iluaqutaassasoq Naalakkersuisut siunnerfigaat.

Inuussutissarsiortut eqaatsumik sunniuteqarluartumillu sullinneqartarnerisa qulakkeerneqartarnera ingerlaannassasoq, Naalakkersuisut tamatuma saniatigut ataatsimiititaliaq isumaqatigiissutigaa.

Naalakkersuisut soorunami, ataatsimiititaliap allanneratut, inatsisip allannguutaasa sunniutaat malinnaaffigissavaat, aammalu inatsisip allannguutai siunertaanngitsumik sunniuteqarnerluttut paasinarsissagalarpat, suliniuteqassallutik.

Taamatut naatsumik oqaaseqarlunga siunnersuut Inatsisartunut suliassanngortippara.